

葉文莊公奏議

葉文忠公上谷奏草

卷一

請給墩軍襖褲疏

查理銃炮疏

邊官妖妄撓政疏

邊務疏

議處邊備疏

議給馬草疏

議補邊將疏

議給通事冠帶疏

急補邊將疏

卷二

預備接待貢虜疏

議調邊將疏

修築邊城疏

調補邊將疏

白陽堡失事疏

整飭邊備疏

議補邊將疏

請給厥鐵疏

勅貪將郤佐疏

地方災傷疏

修築墜牆疏

請給衣甲疏

請給銃炮疏

請給協贊文臣疏

急補永寧守備疏

補給衣甲疏

勅守備內官李順疏

卷三

陳言修省疏

請黜貪虐武官疏

災異疏

陞賞有功疏

議補官牛疏

查革冗員疏

查汰軍政官員疏

議補糧儲官員疏

議補將官疏

買補馬匹疏

辭免賞賚疏

請補教官疏

卷四

給賞謝恩疏

請給軍需疏

請給馬草疏

請給銀兩疏

修復屯堡疏

兌換官房疏

經畫邊儲疏

卷五

議處邊城缺軍疏

官牛足邊久計疏

急缺料豆疏

經畫邊儲疏

邊城缺軍疏

修理邊牆疏

患病乞休疏

聽調將官請勅疏

給通事冠帶疏

請軍脩邊疏

請給調征官軍賞賚疏

請補衝邊將官疏

卷六

補邊將疏

均豁災糧疏

預脩邊備疏

改撥馬草疏

分調邊將疏

給發 欽賞疏

劾盤道失事疏

補給祆禪疏

調補邊將疏

邊官撒放害軍疏

修復屯堡邊牆數目疏

卷七

旌異州官疏

更調邊將疏

請給馬匹疏

劾內官進保疏

分俸養親疏

考滿疏

復職謝恩疏

再劾進保疏

舉用邊將疏

修理堡牆疏

卷八

推舉邊將疏

關給馬匹疏

修省謝恩疏

請撤守禦京軍疏

保任邊將疏

地方災傷疏

再請撤京軍疏

請給祆禪疏

請補邊將疏

分調邊將疏

陳言邊務疏

文莊公上谷奏草目錄終

葉文莊公上谷奏草卷一

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

欽差巡撫宣府等處都察院左僉都御史臣葉盛謹  
題爲邊務事准總兵官顏彪等手本准鎮守右叅  
將黃瑄咨據獨石馬營等八城堡守備把總等  
呈該隊官旗軍等連名狀告俱係原選領養官  
馬神鎗銃砲在邊操守及守瞭沿邊并腹裏墩  
堡夜不收等項身役晝夜在墩瞭望但有聲息

烟火不避風雪星馳走報其馬步操守等項官  
軍常川在外修理長城整堡挑掘壕塹塌窖賺  
坑及分守城門樓鋪等項日則架砲哨瞭夜則  
坐冷支更遇警出哨披堅執銳臥雪眠霜勞苦  
百端無時休息因是此處天氣嚴寒正統年間

荷蒙

聖恩憐憫每三年一次給與官軍毛襖或胖襖褲鞋  
禦寒穿用俱各破碎無存自景泰二年至今一  
十三年未蒙關給切思本處山高風猛寒冷至  
極每遇隆冬時月墮指裂膚寒苦尤甚又兼地

僻無從生理況且賊寇擄攘不得安生風霜早  
降田禾無收委的艱難如蒙准告乞賜憐憫轉  
達關給毛襖等件庶免卑寒失所等因備呈移  
咨行間續准鎮守右叅將李剛亦咨前因備咨  
手本到院會同鎮總照得宣府等處操守備禦  
等項官軍數多誠恐襖褲等件不敷臣等不敢  
一槩請給會議得惟有極邊墩臺守哨官軍切  
近虜境迎風冒雪設伏瞭望寒苦尤甚先蒙給  
賜毛襖等件已經年遠無存實是艱難今旗軍  
趙傑等所告情詞懇切伏望

聖恩憐憫乞將沿邊墩臺哨守官軍每名給與胖襖  
褲鞋或毛襖各一件照例運送宣府等處唱名  
給散穿用若有事故卽扣還官明白支銷實爲

便益謹題

天順八年十月初三日

題爲查理銃砲事准鎮守總兵顏彪等手本近准  
後軍都督府咨經歷司案呈准工部虞衡清吏  
司手本開各關各邊鎮守總兵等官及陝西等  
都司取勘到節次關去及本處原有神鎗神砲  
并手把銃碗口盞口等砲按月造冊到部備照

外今照前項銃砲年遠中間恐有損失及新關  
之數合再通行山西等郡司及鎮守大同等處  
內外官員從公查勘先年關去各項火器等件  
各若干卽今見在若干分給是何城堡關口備  
用各另造冊繳部等因手本案呈到府備咨行  
據萬全都司呈將各該城堡分給神鎗銃砲火  
器等項數目繳報到司造冊間續據宣府左衛  
守把北門指揮使楊俊呈稱查得本門守城銃  
砲除見在外原有拾營神鎗七十把內少三十  
六把城樓門窓鎖鑰俱各不動查無下落緣係

神鎗火器呈乞轉達等因備繇手本准此會同  
鎮總叅照神鎗銃砲係干 朝廷重用緊關火  
器今稱收貯神鎗三十六把查無下落蓋是守  
門指揮楊俊及該衛掌印指揮黃瑾怠惰偷安  
耽延推托不行嚴謹關防以致前項遺失除令  
本都司嚴限挨究外如蒙 准題乞將各官拏  
送法司追究下落明正其罪以警將來再照該  
都司都指揮僉事張壽等失於提督亦合查問

謹題

天順八年十月初三日

題爲邊官妖妄奸貪惡暴攪撓軍政事據萬全都司呈有宣府左衛指揮使黃瑾縱酒誹謗妖言不止一次曾被前總兵官楊能懲治强奸軍婦罪名跳城赴京奏告捉回決打一百又於帥府門外叫罵發去守墩今又不改白日黑夜披甲持刀繞街捉人決打口說要殺等因又有先曾事發勒要强姦弟婦施氏節次强姦軍妻賈氏彭氏郭氏樂婦妙秀兒等并剝削害軍尅減糧銀等項重情一時不能備呈等因到院會同鎮總查得近因總兵官查理不見本官管下神鎗

三十六把已經會本叅奏未報今據前因臣等會同拘審見得本官顛狂撒潑口出妖言恐有傷損人命不便況係邊方見報虜情人心易搖之際除量情責罰連腰刀一把行令都司收候外叅照指揮黃瑾邊境屬官不遵號令姦貪酷虐靡所不爲惡暴兇強累犯不改名雖曰人實同夷狄失去該管神鎗數多罪已難逃累次口出誹謗妖言惡尤顯著若不嚴加懲戒邊方何以用人伏乞

聖裁拏送法司重加懲治以爲邊官不法之戒庶使

地方知有法度不致倣倣悞事謹題

天順八年十月十二日

題爲邊務事准鎮守總兵官手本先節該欽奉

勅卽今秋深草木枯槁正當燒荒以便瞭望 勅至

爾等卽行萬全左右二衛及各所屬照依上年事例差撥敏捷官軍分投出境將賊經行之處盡行燒燎以破賊寇潛伏之計其燒過地方并撥過官軍數目明白開奏欽此欽遵行准右叅將李剛手本及據鎮守守備等官陰傑等各呈稱分撥官軍將各該離邊地方野草焚燒盡絕備開撥過

官軍燒過地方手本到院會同鎮總議得各邊  
境外地方野草雖稱焚燒盡絕緣今正係備冬  
時月除行各城堡整擄軍馬及督沿邊哨守官  
軍晝夜用心瞭望隄備外令將差撥官軍出境  
燒過地方開坐謹題

天順八年十月二十六日

題爲急缺邊儲事據王瑄等三十九名告係陝西  
等布政司府州縣軍民等籍近蒙榜文召商中  
納鹽糧各報獨石馬營等四倉天順五年兩淮  
存積官鹽思得各倉界臨極邊地峽山廣路嶮

途危發運艱難又兼宣府一帶年來秋霜早落  
穀荳青傷枯粃收成微薄糴買缺貴其獨石馬  
營等倉原坐米荳八斗不等斗頭太重欲行上  
納有虧資本恐悞邊儲乞照天順三年淡字號  
事例獨石上粟米六斗馬營六斗五升具告到  
院會同查得前項引鹽召商日久止有告報准  
鹽客商數亦不多其兩浙長蘆河東之鹽全無  
告報及訪得中間多有願折銀兩而獨石等處  
常例間月折銀買用糧料亦頗利便行准戶部  
咨令會計斟酌明白具奏行間今各商又告

前因臣等會同議得宣府地方節報達賊近邊  
事在不測而獨石等倉糧料不多料少尤甚且  
如馬營倉見在料荳止存三千餘石不勾兩月  
支用委因本處今年霜旱米荳少收價值日貴  
又因近日山東山西等處民納糧米收糴數多  
米價愈騰其客商雖有收到米荳實因斗頭太  
重有虧資本延今日久無人上納若不俯就衆  
情量爲減擬折收必致急無成效有悞支給乞  
勅該部計議定奪量爲減輕行令遵守收受  
實爲便益謹題

天順八年十一月初七日

題爲聲息事據宣府把總管操都指揮等官傅巖  
等呈備旗軍侯友諒等連名告稱俱係馬隊神  
銃見操聽調身役見因大同軍馬出境殺賊宣  
府青邊口洗馬林等處連報達賊近邊聲息蒙  
令整搦人馬晝夜伺候聽調出境柰緣今春缺  
雨經秋霜電野草未長兼且地方窄狹山沙灘  
鹹稍有採積從秋至今喂飼馬匹及家下餘丁  
又蒙坐派年例草束俱各借納用盡見今邊報  
緊急節差巡邊等項每日操候不得暇日霜早

草枯天氣嚴寒無從扒採馬匹瘦弱恐悞追勦  
乞爲奏 請關給草束一冬喂馬餽賸遇警不  
致悞事等因具呈查得先據馬步旗軍馬均一  
等告稱霜早採草艱難要乞馬草俱以三分爲  
率上納二分免其一分養馬操備軍餘人等官  
給一分喂飼官馬以備征戰等因已經會議具  
奏今又呈前因臣等會同議得宜府地方今年  
春夏缺雨霜早草枯先曾具奏乞行量免及官  
爲支給不蒙准理故將備冬馬草盡數那儘上  
場取獲年例草束通關完足見今備冬喂馬草

束其實不敷況節報達賊近邊事出不測見調  
各該官軍馬匹晝夜攢槽喂養專候警報朝暮  
調遣出境若不俯順下情再行懇請恐致馬  
匹瘦弱氣力不及悞事未便查得宣府在官草  
場收積草束未免陳壞伏望

聖恩俯念邊境重地乞勅該部不爲常例准關備  
冬十一月以後三箇月草束攢槽喂馬餵旅備  
警庶使馬匹不致瘦損官軍不致失所邊事不  
致有悞謹題

天順八年十一月十八日

題爲邊方用人事照得宜府會鎮邊務方殷用人  
之際而見在管操官員不敷調用卽今順聖川  
先築城堡二處俱各未經包砌完備又有屯種  
餘丁三千餘名必須得人管領庶早完城堡以  
爲保障而屯種之人亦可以收成效且見在都  
指揮梁秦年老該替會同鎮總查得柴溝堡見  
有奏保前來都指揮許寧保安新城見有保安  
衛指揮郭瑄俱有才畧足可守備其柴溝堡守  
備都指揮文瑄年力少壯堪以調用保安守備  
都指揮楊文歷練老成堪以提調管事乞 勅

該部合無行令都指揮許寧守備柴溝堡指揮  
郭瑄不妨軍政守備保安所城都指揮文瑄取  
回宣府管事聽調都指揮楊文守備順聖川二  
處城堡庶使彼此得不致悞事謹題

天順八年十一月十八日

題爲邊務事准總兵官顏彪等手本備後軍都督  
府咨經歷司案呈奉本部送兵科抄出該總兵  
官顏彪等題據通事童歪頭告稱生長邊方在  
邊聽用一十餘年並無纖毫悞事要照通事告  
人江成授以冠帶以榮終身以圖補報等因抄

出節該兵部議擬緣無巡撫都御史具奏緣繇  
難便定奪奏奉欽依行令再行巡撫等官會議  
停當果應冠帶別無違碍各另具 奏定奪等  
因手本案呈到府備咨到院會同鎮總等官議  
得童歪頭在邊年久曾効勞力別無違碍伏望  
聖恩憐憫乞 勅該部計議定奪將童歪頭照依通  
事舍人江成事例給與冠帶以榮終身實爲便  
益謹題

天順八年十二月十二日

題爲邊方用人事照得萬全都司都指揮僉事張

壽江山見爲查理銃砲事巡按御史提問去訖  
會同鎮總議得本都司係緊關邊鎮卽今邊事  
未寧虜使往來之際都司掌印必須得人今照  
本司管屯都指揮同知周玉年力精壯處事老  
成材堪委任除都指揮張壽等原係守備等項  
官員候爲事復職之日另行奏請定奪外乞  
勅該部計議合無行令都指揮同知周玉不妨  
管屯作軍政官掌管都司印信庶使任用得宜  
邊備有益謹題

天順八年十二月十八日

葉文莊公上谷奏草卷一

葉文莊公上谷奏草卷二

吏部左侍郎謚文莊崑山葉盛存藁

孫衡州府同知 夢淇較定

六世孫禮部主事 重華彙梓

題爲進 貢事據萬全都司呈該抄蒙禮部主事

萬翼案驗該本部奏 准進北使臣合照例沿

途備辦日用飲食接待將用過官錢開報等因

又奉總兵等官劄付該兵部奏 准各處軍民

艱難措辦館待羊酒等物合令所在官司於見

收官銀內酌量支給兩平收買應用不許靠損

軍民等因到司今照天同入境虜使不下二千  
所據沿途接待查得宣府地方應該懷安萬全  
左宣府保安新城懷來五處舊例每處每達子  
一人日支肉半斤酒半瓶柴薪廚料米麵在外  
除米麵已行具呈支給柴薪廚料自備外所據  
五處接待合用羊酒數多先年俱於官庫支給  
近年曾於設法措辦餘糧銀兩支用緣今年災  
旱餘糧不敷亦無贓罰等項在官錢糧誠恐有  
悞接待呈乞施行等因據此會同鎮總查議得  
今年虜使數多合當預爲措備緣宣府邊方卽

今竝無在官別項錢物其餘糧亦因歲歉買補  
官馬尚且不敷將何支給乞 勅該部合無於  
宣府萬億庫在官折糧銀內聽巡撫管糧等官  
斟酌量爲支給接待庶無悞事謹 題

成化元年正月初四日

題爲邊方用人事准兵部咨該鎮守總兵等官會  
題前事本部叅照既已鎮守總兵等官會議明  
白議擬奏 准行令萬全都司都指揮同知周  
主不妨管屯於本都司掌印管事候都指揮僉  
事張壽江山爲事畢日於內推選一員徑自具

奏協同管事等因備行到職會同鎮守總兵官  
欽遵議得都指揮張壽江山見行復職數內張  
壽相應協同周玉其江山驍勇能幹查得口外  
獨石龍門所二處係宣府緊關重地獨石今止  
右叅將黃瑄龍門所今止守備王祥警急未免  
有妨出戰其獨石守備指揮程道長於綏撫乞  
勅該部計議合無行令都指揮僉事張壽協同  
周玉管事江山守備獨石指揮程道協同王祥  
守備龍門所庶使任用得宜事體允當謹題

成化元年正月初八日

題爲邊務事據守備順聖川都指揮楊文呈稱本  
川築立新城一座未曾結砌原撥河南備禦軍  
士燒造磚九十七萬七千八百二十箇石條二  
百二丈搬運城壕周圍三面堆垛尚有磚四十  
二萬三千箇并石灰俱在窯廠堆放若不預先  
處置慮恐虜賊入寇臨城就將前項磚石堆砌  
上城深爲未便呈乞定奪又據鎮守懷來等處  
都指揮陰傑呈稱所管保安舊城除先年包砌  
外尚有四百五丈并周圍垛口未完又隆慶州  
城除先年包砌外尚有八百六十丈未曾脩砌

等因到院會同鎮守總兵官查議得前項城垣  
俱先該臣等會同總兵等各官建議築脩已定  
惟是包砌未畢今呈前因查係緊關要害處所  
保障軍民急務除着落都指揮陰傑楊文指揮  
郭瑄汪溶千戶王曦等并隆慶保安二州設法  
量撥空閑屯守軍餘民人協助採打柴薪燒造  
措置磚灰等件陸續包砌完日另行具奏外  
謹題

成化元年正月初十日

題爲邊務事准右叅將黃瑄手本議代萬全左衛

指揮姚瑄會看得萬全右衛既有叅將李剛左  
少監阮化州鎮守又有都指揮胡觀守備其協  
同鎮守指揮張順合當比照獨石協同都指揮  
李廷分守馬營事例令其兼管乞 勅該部計  
議行令指揮鄭祥代替姚瑄守備鵬鶚堡其指  
揮張順不妨原奉 勅書協同李剛鎮守仍兼  
管守備萬全左衛城池地方嚴督守堡把總并  
該衛所等官管事庶使任用得宜邊事不悞謹  
題

成化元年三月十一日

題爲聲息事成化元年三月十二日辰時據大白  
陽架砲軍人苑通走報十一日三更時分有達  
賊從五臺子西空拆牆入境搶掠頭畜等因臣  
等議令右副總兵張瑄守備張遐選調官軍都  
指揮傅巖等二千員名星飛前去襲蹤追勦尤  
恐賊勢猖獗總兵官顏彪親領官軍一千員名  
隨卽前去策應到邊據防邊指揮高寧曹琮等  
呈報本日天曉據架砲軍人苑通并地名張喜  
庄餘丁張興亦報前項時分有達賊約一十餘  
騎在於本庄搶掠頭畜據報隨卽率領官軍前

去襲蹤追趕其賊因見官軍追趕緊急驚怕將  
原搶牛隻并賊原帶銅葉廂口木椀一箇拋棄  
仍從五臺子西空處所出境去訖比欲窮追因  
見樹木蒙密恐有埋伏賊人遠去孤無去向收  
軍將追下牛六隻同指揮曹琮趕回到於原搶  
處所拘集失主認領木椀送萬全都司收貯外  
數內止少趙州堡屯軍呂大驢等牛三隻驢一  
頭等因據此會同鎮守總兵官巡按御史議得  
此賊多係朶顏三衛殘賊指以 朝廷許其在  
邊住牧爲繇出兵勦殺則稱失信啓釁聽其住

牧則黑夜入境偷竊除通行整兵相機行事外  
叅照提調隆門開指揮王俊五臺子守瞭千戶  
孟璽瞭望不謹致賊入境搶掠頭畜大白陽防  
邊指揮高寧小白陽防邊指揮曹琮俱係會調  
前去防禦官軍不能會合追截殺獲雖稱奪下  
牛隻終係失悞事機所據各官俱合拏問以警  
將來再照鎮守總兵等官顏彪等督備不嚴亦

沿查問謹題

成化元年三月十三日

題爲整飭邊備事案查先該兵部奏准各邊牆

垣屯堡墩臺壕塹等項土石易爲傾頽坍塌淤塞備行內外官員公同計議區畫就撥官軍脩築疏濬務在高厚堅固深闊陡峻不許畏懼跋涉虛應故事等因在卷會同鎮守總兵官巡按御史糧儲郎中等議得宣府地方廣闊險易不等雖有原設屯堡尚多缺少去處其邊牆壕塹止行在邊官軍脩理不曾添調多軍整治以致多有頽塌淤塞去處若不調軍併力用工卽今虜情不測實恐悞事未便除口外八城堡并野狐嶺以西及永寧等處行各該叅將分投督軍

脩理外所據龍門關至張家口一帶中軍地方  
尤爲緊要必須一面巡哨防護一面脩築用工  
爲此合當調撥宣府在城衛所軍餘附近屯出  
住種軍餘并本城及腹裏懷來保安蔚州等處  
馬步官軍俱支口糧通行太監王受等守鎮城  
池臣與同總兵官顏彪右副總兵張瑀長隨張  
遐統督委官都指揮張壽傳巖等擇於三月終  
旬先築小白陽等處屯堡四月中旬邊山凍  
解土融之時脩理築塞斬削邊牆崖壁壕塹務  
期高厚堅完賊徒不敢輕犯以固邊方以爲保

障事完之日通行回 奏謹 題

成化元年三月二十一日

題爲邊備事據萬全都司呈守備龍門衛指揮吳  
昇并本衛指揮張鐸等三員互相訐告違法事  
情已行提問等因到院會同鎮總議得龍門衛  
係口外八城堡緊要邊城守備不可缺人况兼  
地方頑惡上下爭訐全無體統吳昇難令再往  
彼處守備必得位望相應之人庶稱厥任看得  
宣府把總陶洪年力精強謀勇相兼堪以委用  
乞 勅該部計議查照署都指揮許寧等事例

將指揮使陶洪量陞署職星馳前去守備龍門  
衛庶使體分相安邊備有益謹題

成化元年三月二十一日

題爲邊務事照得宜府中軍青邊常峪等口大小  
白陽等處新築拒敵屯堡七處修理將完除磚  
灰木料等項俱係自行設法採辦外所據堡門  
合用鐵葉包裹本處不係產鐵去處難以派辦  
行間又准鎮守東西二路叅將李剛黃瑄手本  
亦稱新築大小屯堡共二十處堡門缺欠鉄料  
成造包裹等因到院會同議得先因達賊出沒

犯邊已經查照兵部奏 准事理通行具奏脩築墩堡去後今該前因行令軍匠李整等計料得大堡一十七處每堡門一座二扇共門一十七座每座用鐵一千三十斤該鐵一萬七千五百一十斤小堡一十處每堡門一座二扇每座用鐵四百九十六斤該鐵四千九百六十斤共鐵二萬二千四百七十斤委係軍前急用物料無從措置乞 勅該部從長計議合無于遵化鐵廠照數關給差人送至宣府三路打造鐵葉包裹前項沿邊堡門以安人心以固邊疆實爲

經久之計謹題

成化元年四月初六日

題爲違法事據萬全都司備斷事司呈問得犯人  
趙孫兒招係永寧衛中所軍見在本城領馬操  
備有本衛旗軍該支天順八年十二月分并成  
化元年正月分二箇月折糧銀共八百二十九  
兩三錢八分差百戶等官惠清等赴宣府萬德  
庫關領回衛俱送守備都指揮同知鄭德處收  
散月日不等有卻佐將前銀分給本官不合指  
以接待使臣答應爲緣於內二次扣除銀四十

二兩三錢四分侵欺入已有軍人桑彥什思係  
各人折糧銀兩被其剋減赴宣府具告當有百  
戶陳旺不合趕至隆慶州城北勸回是孫兒與  
各隊旗軍吉從道等置酒勸和了當卻佞又散  
本年四月分糧銀有軍人毛成與桑彥什等又  
秤分少銀一錢五分桑彥什在街叫罵被卻佞  
嗔怪將桑彥什拘提責打發衛監問有卻佞知  
得桑彥什挾恨要告一向監禁不放却將前二  
次侵剋糧銀送與百戶陳旺收去公同把總各  
隊官員給還各軍有陳旺訪知桑彥什令伊男

告狀將銀收候不散被卻佗令各所掌印千戶  
陳泰等拘集應支扣除糧銀旗軍李保兒等給  
還收領致被桑盟將伊父桑彥什前項情錄具  
狀赴巡撫都御史葉處訴准蒙行都司提將趙  
孫兒等委官審勘明白取問發落外照出卻佗  
等事有干碍備抄招擬轉呈到院叅照都指揮  
同知卻佗既承守備自當撫練士卒設備守禦  
却乃節次侵剋糧銀故禁邊軍迫聞告發將銀  
給散似此貪虐合當究問及照百戶陳旺阿附  
私和亦合問罪乞 勅都察院轉行巡按監

察御史將郤佺等提問發落以警其餘謹題

成化元年六月初四日

題爲風雹災傷苗稼事據萬全都司備宜府前萬  
全右等衛所呈申准管屯指揮等官軍唐海等  
各狀告稱各在泥河等處耕種夏秋田苗俱於  
成化元年五月三十日天降水雹盡行打傷無  
存思得子粒并地畝糧米至秋無從辦納告乞  
分豁等因備呈到院案查先據順聖川管種官  
田千百戶楊雄等呈及准鎮守獨石叅將黃瑄  
手本開馬營雲州等處所種各項田禾俱於本

年五月十三日天降驟雨風雹打傷又據懷來等衛申報本月十一日天降大風雨雹亦將苗稼盡行打絕等因俱行委官踏勘未報今又呈前因會同議得節據開報風雹打傷禾苗除再差官分投勘報至日通將被災田禾頃畝并停納糧米數目另行 奏報外謹 題

成化元年六月初四日

題爲整飭邊備事節准鎮守獨石等處叅將黃瑄等手本各將所管地方脩斬沿邊崖壁壕塹溝柵添築墩臺及相度緊要處所築立拒敵墩堡

備開數目手本到院案查先該臣等題兵部議  
擬奏 准通行各邊勘議各該所屬地方屯堡  
整臺邊牆壕塹等項但有傾塌淤塞并缺少土  
處各比往年斟酌添撥附近城堡官軍選委的  
當官員管領防護脩築整理務在高厚堅固深  
闊陡峻足以防禦賊寇保障邊方各將脩過土  
處丈尺數目各另開 奏以憑稽考等因已經  
會議備行各該叅將等官各照所管地方脩整  
去後其宣府中軍地方臣等親詣沿邊提督整  
飭增添脩築案候通類今准開報會同鎮總議

得沿邊地方雖稱脩整堅完但今邊報聲息不絕不可因而怠忽除行各該分鎮叅將并守備等官嚴督所屬守哨官軍加意隄備外今將脩築過沿邊整臺等項并丈尺數目開坐會本題知

計開

宣府中軍地方脩築過

整堡一十六座

新添整堡一十三座

堡四座 整臺九座

補脩舊堡三座

邊牆壕塹共四萬四百七十六丈

邊牆二萬六百九十四丈

石墻一萬二千一百二十二丈

土墻八千五百七十二丈

壕塹一萬九千七百八十二丈

右叅將黃瑄所管獨石等八城堡地方脩築過

整堡一十九座

新添一十五座

整一十二座

拒敵堡三座

展脩并包砌四座

整一座 拒敵堡三座

崖牆壕柵五萬六千二百八丈七尺

崖三萬五百二十丈九尺

牆九千八百四丈五尺

石牆六千三百九十八丈五尺

土牆三千四百六丈

壕一萬五千二十二丈四尺

柵八百六十丈九尺

右叅將李剛所管萬全左衛等五城堡地方脩築過

整堡一十四座

新添一十二座

整臺七座 拒敵堡五座

補脩臺堡二座

崖牆壕塹三萬七千二百二十二丈一尺

崖二萬一千二百四十八丈五尺

牆四百八十三丈六尺

石墻四百九丈六尺

土墻七十四丈

壕塹一萬五千四百九十丈

叅將陰傑所管永寧脩過塹墻

補脩舊塹五座

石墻一百一丈二尺

成化元年六月十一日

題爲邊務事據把總都指揮牛壘備管操指揮陳  
濬等呈據旗軍郭大等連名狀告各役原關本  
衛衣甲遞年往來截殺防邊等項晝夜披執年  
久表裏損壞止存甲葉欲要重新自行釘置緣

各役連年災電荒旱家道口食不周實是艱難  
無從措辦告乞官爲處置關給便益等因備呈  
到院行間又准右叅將李剛黃琯等手本亦爲  
前事會同議得所呈前項衣甲係是緊關什物  
年久損壞不堪脩補緣邊軍艱苦逼迫不便其  
衛所歲造不多給與新添續補隊伍且不  
無從領用查得宜府各城見操馬步隊旗軍  
等不下三萬有餘除步隊陸續整理不開外其  
馬軍係當先聽調之數合當量與措置伏望  
聖恩憐念邊軍重用什物乞勅該部計議合無於

京庫照數關領回還官爲置造給軍披執効力  
守戰實爲便益謹題

計開

宣府各城見操聽調馬隊神銃等項旗軍二萬  
二千七百五十九名每名甲一副每副用青  
布八尺白布一丈六尺大約每布一疋四丈  
長共用布一萬三千六百五十五疋一丈六  
尺

青布四千五百五十一疋三丈二尺

白布九千一百三疋二丈四尺

成化元年六月二十四日

題爲邊務事據萬全都司備守堡并提調邊整指揮等官羅鎮等呈照得新築整堡將完除撥官軍守瞭外所據合用戰守銃砲若不呈乞關領遇警恐誤拒敵等因備呈到院行間又准叅將李剛黃瑄等手本前事案查先因邊牆頽塌及缺少整堡等項已經會議奏准脩築去後今據前因會議得新築前項整堡俱係緊關要害去處若非火器防守有警不無誤事查得本處原有火器俱各分布已定無從添領乞勅該

部計議照數開給備用實爲便益謹題

計開

宣府中軍并東西二路沿邊新築整堡五十九  
座共用蓋口砲二百九十八箇銅銃五百九  
十六把

成化元年六月二十六日

題爲邊方用人事照得宣府地方控禦胡虜切近  
京師實爲北門屏蔽而口外獨石赤城等八城  
堡孤懸境外尤爲宣府重地往年避虜人寇守  
將匪入雲州失守人心動搖從而掣回獨石馬

營人馬以致憑陵無忌直犯居庸使當時八城  
得人固守必不至此繇是觀之其爲重地可知  
已但八城相離宣府寫遠蓋自正統景泰以前  
俱用副將分鎮仍有文臣一員在彼協贊行事  
故得事體周當兵食有方前後行之已有明効  
然所用文臣又必管理軍中事務若止管糧亦  
爲非便今看得彼中分鎮右叅將都指揮黃瓊  
號令頗嚴素有執守可謂得人惟無文臣協助  
辦理未免規畫朱周臣雖濫叨巡撫不能專在  
彼處卽日虜酋變詐聲言入寇且龍門所侵犯

三次獨石馬營累有奸細踪跡雖卽退回其謀  
不測况八城堡連年霜雹爲災獨石馬營柴薪  
日遠生理全無危險苦寒窮軍弱卒十分艱難  
別無顧戀緩急之際難保無虞訪得監察御史  
張鵬曾經巡按口北戶部郎中王育曾在赤城  
管根兩人俱負才能俱有潔操口外軍人傾慕  
風采臣一介庸庸素不知人但薦賢爲國慮  
區寸誠可對天日伏望

聖恩軫念邊方重地用人重務特勅該衙門會同  
看詳臣言倘無妄謬將各官定奪一貲量陞職

事名目仍照往年事理賁勅前來管事兼管  
糧儲則邊方之幸也謹題

成化元年六月二十六日

題爲違法事准懷來叅將陰傑手本該守備永寧  
王宣手本開守備卻位爲事提問去訖遺下永  
寧城池最爲緊要缺人管守該會同叅官推著  
得永寧衛把總馬剛練達老成曉暢軍旅衆所  
悅服堪任其事除暫委本官不妨管馬分理守  
備事務外手本到院會同議得永寧守備卻位  
遞爲剋減月糧告發被提今彼處鎮守守備會

議推委指揮馬剛堪任守備乞 勅該部計議  
合無行令指揮馬剛守備永寧地方便宜益謹  
題

成化元年八月初四日

題爲邊務事准總兵官顏彪等手本備後軍都督  
府咨經歷司案呈准兵科抄出臣等題該本部  
備行從實取勘本處衛所旗軍若干河南輪班  
操備若干何年月日關領衣甲卽今是否損壞  
不堪披用如果是實先將本處旗軍損壞衣甲  
就於萬全都司原報實在衣甲內并宣府前等

一十九衛所歲造數內兌換應用其河南操備  
旗軍下班之時就令帶回原衛兌換新甲等因  
備咨行據萬全都司呈查得天順元年冊內原  
關京庫并所屬衛所成造甲二萬八千九百九  
十五副除操守官軍舍餘節次領去外實在成  
造甲二千四百三十二副京庫甲六千八百一  
十二副共甲九千二百四十四副等因備呈手  
本到院會議得除萬全都司步隊官軍數多并  
河南輪班官軍衣甲例該本衛兌換原奏未經  
開數外查得本都司所屬城堡見操神銃馬隊

旗軍二萬二千七百五十九名係緊關操備聽  
調殺賊人數原關衣甲係先年本司等處陸續  
關領不等爲因連年禦賊晝夜披執卽今甲葉  
雖存表裏布破不堪應用其見在收貯青甲係  
是備用新添續補官軍急缺支領之數不曾兌  
給今該前因除將見在青甲九千二百四十四  
副依擬查議領換外尚欠一萬三千五百一十  
五副未經兌領甲布無從措辦伏望

聖恩憐憫乞 勅該部計議定奪合無將缺欠衣甲  
照數關領青白布疋回還官爲置造給軍戰守

實爲邊方幸甚謹題

成化元年八月初四日

題爲邊官違法不和請乞定奪事據守備周隆呈  
稱長隨李順將本城大小官員每日拘集門首  
伺候日中不赴本職處辦事及將伊伴富人等  
捉拏苦拷畏勢潛藏恐被傷害等因隨又准守  
備長隨李順手本開稱據張福告有兄張通被  
周隆嗔恨掣出軍伴將舉燒號火爲繇決打四  
十身死等因到院案照先准李順手本內開周  
隆違法事情一十六件俱係扣剋軍糧僱車搬

運倉房木植起蓋房屋強奪舍餘青苗受賍賣  
放犯人剋落折糧銀兩勒要新軍銀布等項重  
情又據周隆呈李順違法事情二十三件亦係  
故勘人命私役操軍辦納月錢占種庄田散放  
科歛搬取淫婦在家等項重情行間爲照當據  
本城懷安保安右二衛俱稟稱李順等已是具  
奏去訖合候明降勘理今又各呈手本開稱前  
因會同議得懷安柴溝等處係于一城一堡兩  
衛所緊關衝要極邊地方卽今鄰近天城失機  
人心未安賊情不測各官不務本等辦事公然

於官廳據臂廝鬧殊乖體統及致身奏又不  
俯候明降待罪聽理乃互相捏詞呈告各項情  
詞雖未委虛實但俱受重托不畏法律矛盾不  
和且共處一城終非久計若候勘理定奪恐致  
邊城誤事乞 勅該部計議合無請 旨定奪  
另選謀勇官員代替各官守備庶無誤事謹

題

成化元年八月二十七日

葉文莊公上谷奏草卷三

吏部左侍郎謚文莊崑山葉 盛存藻

孫衡州府同知 夢淇較定

六世孫禮部主事 重華彙梓

題爲陳言修省事准本院咨該浙江等道監察御史吳遠等題稱災異洊臻皆繇兩京大臣曠職廢事及在外巡撫官員因循誤事所致該吏部等衙門奏 准通行一體痛加修省各陳弭災救荒之策及因循悞事者徑爲具 奏施行等因到院除另行外緣臣智識短淺學術迂疎過

蒙 朝恩太恩叨受邊方重寄既無滅賊之才  
能加存累乘之疾病因循曠職久妨賢路伏乞  
聖恩矜憫臣愚特令罷免別任賢能則臣區區感戴  
天恩生當殞首死當結草臣無任戰兢俯伏待罪之  
至謹

成化元年九月初一日

題爲違法事據萬全都司都指揮同知卻佺呈蒙  
巡按直隸監察御史問擬徒罪納豆還職緣係  
奉 勅守備永寧官員呈乞施行到院會同議  
得都指揮卻佺守備永寧之時剋減官軍月糧

官銀四十餘兩又行故禁被害邊軍告發提問  
已該守備王宣叅將陰傑推舉永寧衛指揮馬  
剛堪任守備臣等具奏該兵部議擬奏准  
行令臣等再勘得馬剛材堪守備已經通行遵  
守去後今呈前因緣永寧已有馬剛守備其還  
職都指揮卻佺貪虐害軍過惡顯著難再令其  
領軍守備除行卻佺歷俸聽調不許希冀守備  
仍前害軍及將原奉勅書徑自奏繳外謹  
題

成化元年九月十二日

題爲災異等事據萬全都司呈成化元年九月十七日午未時分有雷從西南發聲初微漸震凡五次又有暴風從西北來揚沙晦冥至晚微雨等因備呈到院會同議得秋暮雷鳴恐干災異臣等愚昧不識推驗除重加警省謹慎邊備外

謹題

成化元年九月十八日

題爲陳情乞恩功次事據萬全都司都指揮僉事江山等呈切照山等先於天順二年七月內各准本司咨奉鎮守宣府等處總兵官武強伯

楊能等劄付欽奉 勅命事理備行山等選領  
宣府前等衛所精銳官軍一千員名隨同都督  
周賢前往陝西等處截殺達賊本年九月內到  
於寧夏十月初一日欽奉 勅命周賢統領原  
調官軍暫赴彰武伯楊信處操守備冬殺賊欽  
遵領兵回於榆林城駐劄本年十二月二十四  
日蒙總兵官楊信准鎮守延綏等處左叅將張  
欽咨報達賊二萬餘騎從安邊營地方入境四  
散搶掠山等與都督周賢統領原調官軍分投  
晝夜前進二十七日哨至地名硝池兒可可川

等處節次遇賊對敵生擒虜酋鬼力赤等一十七名。掣奪旗幟喇叭等件。在於安邊營拒賊安營。二十九日會合定遠伯石彪等軍馬至天順三年正月初一日至初三日連日分營列陣拒賊。至初四日哨到地名野馬澗半坡塹等處。正遇賊首毛里孩賽罕王等人馬擡營前進山等。遇賊奮不顧身領軍當先迎敵交鋒大戰數十餘合。轉戰六十餘里。就於陣前生擒賊人脫木兒。特知院男察阿來等四十七名。斬獲首級五百一十三顆。餘賊大敗。追至昌平塹出境去訖。

獲到駱駝六十七隻戰馬五百一十匹被虜人口  
驢騾牛羊二萬餘數軍器等件及在陣將官  
軍都督周賢等被傷身故將擒斬賊人首級同  
所獲駝馬牛羊人口軍器旗幟等件盡數於總  
兵等官石彪陳友楊信都御史徐瑄等處告交  
明白彼因領兵都督周賢陣亡無處告報功次  
山等已將有功官軍備開都司衛所職役姓名  
數目告蒙總兵官楊信處造冊繳部去訖今統  
兵將官陳友與陣亡官軍都督周賢等俱蒙  
聖恩重加陞職外山等一般奮勇當先擒殺賊寇有

功人數一向在邊征操至今未蒙陞賞乞照應  
天府照磨蔣麒建言事理奏 請憐憫山等官

軍捐軀汗馬之勞量加陞賞以圖補報等因具  
呈到院會議得都指揮僉事江山等呈稱先該  
宣府總兵官奉 勅令其統領官軍隨同都督  
周賢前去陝西硝池兒可可川等處殺賊有功  
造冊繳部未蒙定奪要照建言事理定立等第  
奏 請陞賞查得宣府領兵陣亡都督周賢已  
蒙

聖恩陞賞其江山等委係一同効力有功人數伏乞

聖恩憐憫將士効勞殺賊艱苦特勅該衙門查照  
陞賞以爲將來之激勸實爲便益謹題

成化元年十月初七日

題爲官牛足邊久計事案照先該提督守備周賢  
奏稱聲息不絕乞將口外獨石等處先年領銀  
四千九百五十兩買到見在官牛一千八百四  
十五隻共六百五十二具馬步每隊量畱一具  
共牛三隻摘撥軟弱軍人養種照例上納餘糧  
買補馬牛措置軍裝賑濟貧軍等用其餘俱給  
與缺牛原額屯軍并復業舍餘領養等因奏奉

英宗皇帝聖旨戶部叅看停當來說欽此該本部欽  
遵查得前項官牛係是本部議行并總督邊儲  
右僉都御史李秉建議節次奏准行令彼處  
監收糧料叅政等官葉盛督運勘給整理去後  
緣前項牛隻給與各軍自種均收餘糧入官易  
買馬匹措置軍裝等項本以優恤邊軍且耕且  
守今叅將周賢奏稱前因未審有無相應合行  
彼處總兵等官及本部管糧郎中會議前項牛  
具如果獨石等城堡軍人領種上納餘糧聽候  
買補馬牛措置軍裝等項於軍有益仍照舊例

施行若是有妨各軍操守就便取勘原額缺牛屯軍及復業舍餘從公給俵耕種等因具題天順元年三月十七日本部右侍郎楊鼎等奏奉英宗皇帝聖旨是欽此行該總兵官都督楊能會同鎮總糧儲郎中議得且耕且守經國遠謀不可輕廢況且大同宣府自經兵以來人畜蕩盡田廬荒蕪幸而朝廷大發帑金特差京官於河南山東等處買牛給發以爲足邊之計其數不敷又發邊庫官銀充買數年以來邊儲稍積人得聊生夫何法立方行便益良多而立法之人

去尚未遠何乃奏稱勞軍未便要行改廢今會議得未可遽棄合照舊例施行等因在卷臣今會議得臣等於成化元年分公同巡按御史馮昱管糧郎中龐勝等通查得前項口外并宣府合屬地方先年原買前項官牛共該五千餘隻中間有例前例後倒死老弱變賣不曾買補及官員役占倒死之數俱各查勘得出設法陸續買補又將舊有餘糧添買牛隻見在共分爲一千八百餘具嚴行叅將等官督令各該守備守堡等官摘撥馬步隊無馬軟弱不堪出戰軍人

那允給領耕種官田今年雖有災傷亦頗收成  
查得軍中騎操戰馬自天順八年正月二十二  
日詔書例後至今年九月十五日止各哨征  
傷架砲倒死應該買補還官騎操官馬共該二  
千六百餘匹此係緊用征操每匹或用銀七八  
兩或十餘兩纔可收買常年各處俱於原領軍  
人名下杖併買補中間貧苦邊軍計窮力屈朋  
合科歛或不得已而典兒賣女又不得已而除  
糧扣糧究竟馬匹難完十欠六七軍士逼竄十  
常二三上下難爲公私俱困今年因有前項官

田餘糧設法銀兩頭運差入於山西保定等處  
買馬約一千匹之上卽今秋田粗細糧食量除  
牛料子種等用次運再行發買雖有欠馬計亦  
不多而官府不煩杖併之勞貧軍不知朋合之  
苦不動聲色邊事可了此皆官牛官田所致明  
効大驗然非

英宗皇帝日月至明戶部當時叅詳明白宣府總兵  
等官楊能栢至徐敬等力持公論則良法美意  
廢壞久矣臣等切惟立法非難守法爲難蓋在  
官用人更代不常而流言異說易於搖惑伏乞

聖明特 勅該部計議前項軍中官牛官田事宜請  
勅宣府邊方守臣著立定規其見在官牛務要  
時常禁革奸弊用心查點華牧設法買補不失  
原數所收餘糧嚴切稽考買補官馬及買補事  
故官牛置辦軍裝養濟貧難等用不許役占侵  
欺各官不得假公徇私因而沮壞則貧軍有賴  
邊事克濟而

先皇帝之良法美意永永不隳謹 題

成化元年十月初八日

題爲減除冗員事據萬全都司呈奉總兵官等劄

付依奉行准守備蔚州李紱咨公同巡按御史  
馮昱委官太同府同知周謙及蔚州知州郭瑾  
蔚州衛指揮使江勝前去蔚州所轄原奏各該  
巡簡司五處從公逐一會勘得衙門地方遠近  
山口寬窄道路衝要平坦應否存革緣繇明白  
備開及本職并各委官不扶結狀咨繳到司開  
坐呈繳施行到院案查先准本院咨前事該巡  
撫右副都御史李秉題乞將蔚州所轄地方石  
門口鴛鴦口平頂興寧美峪五處巡簡司衙門  
革去兵部官議擬奏 准備行鎮守總兵巡撫

等官再行公同該管官司并巡按御史勘議前  
項巡簡司衙門應否革去日後有無違碍如果  
相應裁革會議明白各另具本奏請定奪已  
經會行去後今呈前因復會同議得原奏要行  
裁革巡簡司五處內除石門口平頂美峪三處  
委官勘稱有碍照舊存畱外其興寧鴛鴦口巡  
簡司二處旣已勘稱見有官軍守把守堡無碍  
合當准擬裁革謹題

計開裁革巡簡司二處

興寧巡簡司永樂十二年添設在懷安衛地方

嘉泰二年改設在蔚州東南松州城添順義  
年續改在州南地處北口相離三十里勘得  
本司山口寬闊路通紫荆倒馬二關廣昌縣  
等處雖有來往人役見有蔚州衛官軍守把  
又兼相離本州不遠無裨應合裁革

鴛鴦口巡簡司永樂十二年添設在蔚州東北  
七十里勘得本司道路廣闊雖通宣府等處  
天順北年蔚州衛添設馬站原有官軍守堡  
源係平坦地面無裨應合裁革

成化元年十月勅并目

題爲陳言事准本院備兵部咨該戶科給事中李  
森并太僕寺少卿李侃等各奏言本部議擬奏  
准通行各處撫按將都司衛所軍政官員考察  
平日廉能老成武略精通者存留管事如或立  
心貪污剝削軍士操行不端敗壞風俗者革去  
管事帶俸差操及年老無爲者襲替所據缺員  
就於本都司衛分推選歷練老成廉能幹濟善  
撫軍士堪以管理軍政者開具職名奏請定  
奪等因備咨到院公同巡按御史馮昱議得宣  
府邊方軍職中間無恥過犯者多廉能無過者

少僅有比衆稍優都司都指揮僉事二員張壽  
江山先該兵部奏准推舉一員張壽協同周  
玉管事其江山見把總奇兵管操除將考察過  
犯係貪污剝削等項如萬全左等衛所指揮等  
官張文等革去管事帶俸差操及年老無爲等  
項一體施行其餘官員若有不係管操管事者  
俱令輪流管理整堡等項雜差外今將推選過  
合量存畱管事軍政官員開坐謹題

成化元年十月十五日

題爲保畱官員事准戶部咨該河南信陽衛千戶

王泉奏保宣府管糧郎中龐勝常川管糧等因  
該本部查得先該巡撫都御史王宗奏稱宣府  
有戶部郎中一員奉勅管糧固爲良法但事  
久弊生人久熟玩合無三年一替庶爲經久等  
因本部會議奏准通行欽遵去後今奏前因  
未審有無相應移咨煩勘應否存畱常川在彼  
管理徑自具奏等因備咨准此臣切惟邊方管  
理糧儲規矩已定其要專在關防奸弊而奸弊  
出自官豪勢要衛所官軍爲多是以

英宗皇帝有各邊總兵等官不許干預邊儲之旨

聖人之慮深矣今管糧郎中既有會官奏准  
三年一替定例若又僭憑軍職官軍和同妄保  
見任官員切恐無知之衆以爲他日攬糧攬草  
賣恩之地雖管事官員未敢妄爲而希冀干求  
理有不免謗言後患難保必無防微杜漸不敢  
不慎副都御史王宇所謂事久弊生人久熟玩  
誠亦先見之明不易之論今照龐勝三年將滿  
例合更替一應糧草俱該交沿接管乞 勅該  
部計議仍照原行奏 准定例差委郎中一員  
前來接管照舊行事庶得事例不致紛更邊儲

可以無弊上下得以保全謹題

成化元年十一月初五日

題爲邊務事准兵部咨該本部議擬奏稱守備懷安等衛兼柴溝堡長隨李順爲事已蒙

聖斷差官代替外所據守備懷安等衛周隆問擬受財枉法絞罪不許管軍管事行移臣等就於彼處管操等項都指揮內作急推舉歷練老成堪以委用守備者一員開具職名年歲差人星馳奏請定奪等因具奏奉

聖旨是欽此欽遵備咨准此會同推選得宣府馬隊

管操都指揮文瑄年三十八歲歷練老成堪以  
委用謹題

成化元年十一月十五日

題爲處置騎操馬匹事據管操都指揮江山備官  
王鎮等呈據旗軍薛道同等連名告稱各役原  
領馬匹多自景泰天順等年關給騎操節蒙調  
遣大同獨石等處征哨等項老瞎走傷及患瘰  
癧瘦弱不堪醫治係是征操馬匹月支糧草喂  
養若不告乞轉達誠恐有悞調用及虛費料草  
等因備告轉呈到院會同鎮守總兵官等督令

獸醫人等逐一從公看驗除尚堪醫治馬匹仍  
令各軍用心喂養備臍聽調外其軍人薛道同  
等馬二百餘匹老疾癆瘵不堪醫治操哨是的  
臣等議得不堪操調馬匹大約計之宜府一方  
東西各哨不下五百餘匹俱係關支料草喂飼  
每月料豆該支五百餘石實以有限之錢糧養  
無用之馬匹若不另爲處置不惟虛費料草亦  
且無益邊備乞 勅該部從長計議合無行令  
臣等并分鎮叅將等官公同各該內臣將不堪  
醫治久病老馬從公看驗明白住支料草俱令

送京祇待使臣等用照數關馬前來給軍騎操惟復令各軍聽其變責臣等仍量支與官田餘糧銀兩貼贖買補還官騎操聽調如此庶得料無虛費馬得實用謹題

成化元年十二月初一日

奏爲乞恩辭免賞賚事成化元年十二月初六日該送到禮部奏准以臣前在兩廣殺賊獲功欽賞鈔二千貫綵段四表裏者臣伏惟前項殺賊功次是皆朝廷威德將士勤勞臣一介書生贊理其間愧無分寸裨補敢受駢蕃之

賜無功之賞臣實汗顏除望 闕謝 恩仍賞  
候外伏乞

聖慈俯察愚誠收回 恩命使臣得安愚拙之分少  
違負乘之譏臣雖亾狀誓當銜結以報 國恩  
臣不勝悚懼俯伏俟 命之至謹具奏 聞  
成化元年十二月初七日

題爲學校等事照得萬全都司雖臨邊境在城三  
衛一所儒學生員不下七八十名設有學校一  
向缺官管理各生學問疎淺久無成效今會同  
訪得所屬直隸隆慶州民人張升原籍遼東都

司定遼中衛軍餘額舉人任本都司儒學訓導  
天順四年爲事問發本州爲民今遇例欲回原  
籍臣等看得本人學行老成諳通經史堪任教  
職比先因人註誤別無貪淫脏犯違碍情緣乞  
勅該部合無將本人量復原職除授前來管事庶  
使邊方訓誨得人諸生學有成效謹題

成化元年十二月十一日